



KENYATAAN MEDIA **“KOMUNITI AKTIF, WILAYAH PROGRESIF” DIPERKUKUH MELALUI PSKWP2026**

Kuala Lumpur, 11 APRIL 2026: Aspirasi “Komuniti Aktif, Wilayah Progresif” diperkukuh melalui pelancaran Program Senaman Aerobik Komuniti Wilayah Persekutuan 2026 (PSKWP2026) oleh Menteri di Jabatan Perdana Menteri (Wilayah Persekutuan), YB Hannah Yeoh hari ini di Dataran Perumahan Awam Sri Sabah 3B, Bandar Tun Razak.

Program ini merupakan inisiatif Jabatan Wilayah Persekutuan menerusi Majlis Sukan Wilayah Persekutuan (MSWP) yang diilhamkan YB Menteri sejak mengambil alih portfolio Wilayah Persekutuan dengan fokus untuk memperkenalkan program yang lebih dekat dengan komuniti, khususnya di ibu negara.

Majlis pelancaran ini turut dihadiri oleh YBhg. Dato’ Seri Dr. Wan Azizah Wan Ismail, Ahli Parlimen Bandar Tun Razak.

PSKWP2026 bertujuan membudayakan gaya hidup sihat dalam kalangan komuniti, khususnya di kawasan Projek Perumahan Rakyat (PPR) dan Perumahan Awam (PA), melalui pendekatan yang inklusif, mudah disertai dan berterusan.

Pada majlis pelancaran hari ini, program senaman aerobik berlangsung secara serentak di 25 lokasi PPR/PA di Kuala Lumpur. Sepanjang hujung minggu ini, program diperluaskan melibatkan keseluruhan 44 lokasi dengan 33 di Kuala Lumpur, 6 lokasi di Putrajaya dan 5 lokasi di Labuan, menjadikan ia antara program komuniti berskala besar di Wilayah Persekutuan.

Program ini dijalankan secara percuma dan terbuka kepada semua lapisan masyarakat, serta akan dilaksanakan secara mingguan dan berterusan sepanjang tahun 2026.

Pelaksanaannya disokong melalui kerjasama strategik Persatuan Sukan Kecergasan Malaysia (MAFA), Majlis Perwakilan Penduduk (MPP), Dewan Bandaraya Kuala Lumpur (DBKL), Perbadanan Putrajaya (PPj) dan Perbadanan Labuan (PL) serta pelbagai agensi berkaitan bagi memastikan pelaksanaan yang menyeluruh dan berimpak tinggi.

PSKWP2026 dijangka mampu menarik penyertaan yang konsisten di setiap lokasi serta berpotensi menjadi program “signature” komuniti Wilayah Persekutuan dalam memperkukuh kesejahteraan rakyat secara berterusan.

TAMAT

Untuk sebarang pertanyaan / maklumat tambahan, boleh hubungi Pegawai Penerangan MSWP, Jumiati binti Rosly (012-6548155).